

耕井
燭
中
堂
詩
山
金

遠海叢書

伯未
圖

耕煙草堂詩鈔目錄

卷一

古今體詩六十七首

卷二

古今體詩八十一首

卷三

古今體詩一百三首

卷四

古今體詩一百二首

男亨

孫男廷璋

秉瑛

廷璧全校字

耕煙草堂詩鈔卷一

仁和戴梓文開甫著

古意五首

鬱鬱復鬱鬱西風吹絺綌白草動悲音黃埃羃危磧仰見隴頭雲不見水底石水石抱堅貞千年如一日隴雲多變端崇朝不謀夕隱現雖殊觀君子貴自得披襟臨回飈顧影三歎息

朱門有淑女嬪爲君子室步搖明月珠珮戛荆山璧綽約生香風芙蓉照春色雅韻抱流雲光華爭麗日婉孌兩情深誓並鸛鸛翼恃德不恃色君心有轉易耳入侍兒言棄置在一夕揮淚下君堂幽房暗如漆回望舊簾櫳遠若雲天隔鏡此傾國姿只博衫袖涇不及長干倡挾瑟笑君側

庭前有嘉樹雙雙落奇鳥卿雲散組翰煥彩張靈葆乳哺羣雛嬌嚙嚙聚晴曉春風遊冶郎翠騎飛芳草挾彈覓當壚意氣何矯矯側目

晒高柯金丸度空杪一擊毛羽摧驚飛何擾擾哀哉覆巢下衆雛難自保

枉渚有幽蘭香氣隨風烈美人牽輕裾窈窕獨采擷珮之非自歡用媚君子悅君子自怡怡蘭香香有時其奈妾顏色冶容日以移蘭萎合棄捐棄妾亦如斯殘香復把玩淚向春風吹

昔作君家婦紅顏如天桃紡織供衣裳鍼線爲燈膏纖手力井臼瘁極不言勞柔腸刺枳棘何敢嫌糠糟黽勉相厥德結髮如同胞君名辛成就妾意登雲霄駕言妾顏色端肅無丰標揮金置妖麗珠玉明纖腰歡狎自成族疏禮徒崇高歷苦華豔謝乃爲羣婢嘲十日不一顧一顧已酖醺尸素自漸退空房曉中宵寒衾枕蟋蟀旦暮歸蓬蒿妾身不足惜君德在久要

隨家嚴赴詩社與錢牧齋杜于皇程穆倩汪湛若諸前輩賦淮

陰鈞臺得寒字

時年十
二歲

嘗笑淮陰拙生涯守釣竿有能匡社稷無計退饑寒存楚心難定封
齊禍已安可憐臺畔水千古響哀湍

漂母祠

一飯原無重千秋獨有君三齊如不顯空自飽王孫

重經漂母祠

漂母祠猶在淒然日欲西義惟輕一飯名已重三齊白馬垂綸岸清
江浣苧溪望中人不見荒草雉還飛

古廟

何代留遺廟傾敝動感傷碑殘苔蝕字殿老樹生牆闌寂藏神鬼幽
深聚虎狼猶疑靈爽在松柏嘯斜陽

登報恩塔

九級奮登臨乾坤一望平萬達開錦市一柱俯金城山色煙將暝江
聲雨乍晴高危凭眺處新月掛簷明

赤壁懷古

赤壁當年戰火燒風狂天瘴水迢遙曹瞞敗去無雙鬢公瑾歸來有
二喬月暝魏都秋落葉煙消吳苑夜空潮江間漁父無今古羌笛一
聲風自飄

登黃鶴樓

城上危樓俯大江昔經崔灝詠無雙我來欲作驚人語掃壁題詩意
早降萬里平氛存姓字一身歸國望鄉邦眼中水色收全楚沔鄂煙
波滿碧窗

登岳陽樓

暫解征衣上岳陽水光山色兩茫茫雲來巫峽疑神女酒問巴陵憶
醉鄉鴉散夕陽舟未泊雁歸秋浦荻初黃滔滔江漢無今古何處煙
波弔夕陽

范蠡

功成邀爵豈無情烏喙終難共
名紫綬能捐身不死黃金空鑄象
如生五湖散髮鷗同泛片席懸秋
月自明我欲乘舟問煙水白蘋遙
隔暮雲橫

看馬

一羣雲錦分毛色列向西風牽
勒圉人云是盡龍媒百里回還不
時刻中有一匹不成材
嚙踢驍驍騎不得止堪引重駕鹽
車絆套入轅還費力馬忽長鳴似
有聞蹄聳瞳張毛鬣立攢然蹀躞
到余前似訴平生人不識雕鞍一
韉試騎看馴若驚貽非所述平沙
千里等閒來直欲追回西落日疾
如風雨力如山此是英雄真配匹
流黃驪褭古所稱赤兔烏騄有功
績嗟哉此馬真無倫慎莫輕將美
人易

看劍

昨夜龍雷壁間泣寒芒閃閃光
幽室曉來啓匣自抽看桃花隱現
腥還溼十年不用嗟神龍徒掛掛
空齋式牆壁清泉爲浴礪礪礪陳
塵拂

去生寒碧仍收寶匣藏牀頭三躍不容皆吐出侍兒驚走奴辟易何
事精靈動白日咄哉劍兮夫何爲用爾曾經在疇昔煙消賊死鼓聲
沈戈戟旄旄盡斂戢爾獨鳴鳴猶夜鳴鳴成碧血復何益抽來簷下
復重看彩暗光韜類鉛錫垂頭收拾付僮兒神器空餘人太息

北風行

北溟鯢鵬來變化浪起危山海橫瀉中間猛烈成北風瓦飛樹拔將
人射駭若聲疑萬虎來天吳鎖斷金門開潛蛟春起鼇自擲洪濛重
結天胚胎城郭將傾日光紫不到山平吹不止妖狐異鬼助風聲吹
出奇寒人欲死雨雪飄零風忽已暖氣盈庭日光起吁嗟北風空怒
號世事升沈類如此

題畫

抱道守一隅脈脈自尋樂行到嬾雲峰坐看飛泉落恍忽玉虬懸千
尺來天廓素琴斂徽音短言用斟酌山色暝歸途疎煙紛漠漠

山到春深翠色多風來香豔鳥來歌欲尋高隱人何處
茆屋臨巖護薜蘿

雨後亂泉流生憎草木稠山迴客疑盡雲散覺巖秋
養拙應辭市居仙不在樓愧他煙水際長笛一扁舟

四皓行

商山有四皓探芝絕世情漢主不能致仰之如景星
建儲意猶豫忽爾侍殿廷異哉四老翁能令帝者驚
一見意遂決羽翼歎已成吾聞青雲士立節終不更
屈身輔嗣子其志將何營就中不細察真偽難分明
呂雉計既得趙王難其生

陪射

錦衣簌簌羽林兒捲起風沙日暗吹內令忽傳觀較
射角弓羽箭紛紜馳葳蕤八駿驟排到帳殿橫開間
西照由基神術是重瞳鵠對弦鳴應風哨百發曾無
一矢虛九夷駭視咸歛歔小臣忝廁儒臣列但

操弱翰承明廬豈知文治有武備騎射復見風雷驅安不忘危遵往
古聖王焉肯耽安居

公無渡河

結髮爲夫妻婉孌情不移何當發狂疾言欲各分飛一夕起長歌向
濤亂奔馳其妻踵其後呼公無渡河臨河公不見妻心將奈何悲重
視生輕持袂投洪波兩身抱一處千載永不磨至今河畔草糾結成
煙蘿

猛虎行

頭如堅城尾如纛擡頭揚尾睛光燭天風從擁出長林一聲高吼搖
山谷猛虎食人不食鹿居人戶戶編毛竹竹如利刃列成城一跳曾
經洞虎腹縣官昨日吏胥來坐向牀頭索酒肉稱言今歲納糧難官
止收錢不收粟舉目周瞻四壁空兩歲嬰兒難賣鬻丈夫被吏牽見
官妻兒坐向窮簷哭

西域進獅歌

西域遙聞九萬里，卻向中華進獅子。
矍矍如岳浪如山，鯨鯢相看同鹿豕。
獅形不似畫者形，長髮披頭毛色紫。
雙瞳碧玉電光瑩，利爪獠牙三尺尾。
尾後團毛類拂蠅，一揮一動無寧晷。
曾過邗江泊市頭，市頭觀者人如蟻。
肩摩踵接日夜喧，乘馬欲前遙即止。
止非有令畏獅威，蹶腰傾鞭不起夜。
犬無聲，驢不鳴，妖狐魘人人病。
已北上神京，進聖人，昇向彤廷動天喜。
黑面獅奴亦是人，舞蹈歡呼禮非禮。
大官給食命春卿，重譯相傳下溫旨。
虎圈養獅奴，亦入夜抱獅眠。
情懌懌，宮閨傳語索獅看，圈築高城甃文石。
繞周雕檻俯來看，猛氣飛揚猶戰惕。
堅木爲毬綵色裝，拋向獅邊博騰擲。
盤旋滾跳舞不休，一時萬象來神騷。
宮閨驚駭歎奇觀，今日看回又明日。
因驅虓虎入城中，虎肝忽被獅刨食。
金門列象試馴看，象首低垂身戰慄。
始信獅爲百獸王，眼前虎豹皆臣職。
獅能殺獸不殺賊，大官養給夫何益。
請將猛將

作獅珍四海烽煙自寧謐

曝書

計日今爲六月六老屋迎暘成火域宮閨邸第及窮簷曬衣自古沿
流俗我無餘衣可免勞惟有殘書十餘簾呼僮羅列向晴階紙故潮
生蠹蕃育揩踏塗抹不盡戕萬頭鼠竄橫屠戮老倦時酣午夢中夢
蠹周回向余哭公爲憐書命攤曝不思書是我邦國叶食斯飲斯居
亦斯箇中天地成文族公今爲書不爲生輕重相衡情慘酷神銷口
阻莫能應醒來急命收殘牘吁嗟命重書自輕萬編隨蠹謀其生

出獄口占

已解囹圄困翻生離別傷遙憑南去雁不死慰高堂

老母時在揚州

兵車口占

慘淡柳條黃兵車適異鄉親朋雙淚眼家產一身裝臣罪知無涖君
恩豈易忘雲中雙闕遠回首望蒼蒼

望山海關

雄關割據勢崔巍羣盜紛馳舊祚移四海謳歌歸聖主萬年基業啓
邊陲東開碣石連滄海西指臨洮服遠夷謾道鶯花虛塞外春風隨
我到天涯

葉家墳

斷蓬輪不斷佇望日西斜氣肅天蒸海冰消地坼花烏風翻白骨鬼
雨走黃沙搔首余將老千秋何處家

烽臺晚眺

極目俯高邱清笳隱戍樓萬山環地落一海抱天流白骨何年戰黃
雲終古愁徘徊無限意霜月滿征裘

早行

驅人寒夜起行役意如迷野火燒殘戍荒城抱凍溪月嘶孤店馬霜
報五更雞冷竈吹餘燼開門參正西

題高橋酒肆壁

一山行盡一山來
山上荊園小市開
悵望守烽人不見
怒潮空打弩臺迴

出關行

三月出關行
四月到遼住
住遼不逾時
又向鐵嶺去
鐵嶺去遼百餘里
風景蕭蕭有如此
我欲爲家家
易成亂草和沙砌
寒水水自滔滔
出混同洪濤萬里天
行風風高山苦不成
望連雲部落冰霜中
日暮無依投店宿
店主愁顏向余囑
連日狂飈禁作炊
晚餐只有前朝粥

鐵嶺回瀋

出關非作客
到瀋卻如何
破械身還我
編氓姓屬他
典裘寒鬻米
結屋夜牽蘿
有酒不成醉
仰天時一歌

佳公子招遊郊野座中贈陳省齋

夢雷

楊玉斧

瑄

兩太史

出塞悲連月
尋歡此一遊
龍沙天地闊
瀋水古今流
挾彈追黃鳥
輸

拳覆白甌醉中無賴甚忘卻異鄉愁

閩南恆把袂塞北又聯觴萬里存君我千秋共肺腸有書延賤命無語慰高堂敢復言忠孝酸心撫白楊

謾說成名早文章亦禍機謀生雖寡策教讀且瘳饑終荷君恩宥休傷世事違升沈何足定強飯望朝暉

日色蕩寒沙歸鞭促暮笳亂紅縈馬足深綠隱漁家路踏嚴城月門敲小徑花春光長不歇投老願天涯

題省齋小照

海立天無光閩南才子卷空張欲死不死生高堂血心成碧人莫量此身何必存文章

下闕

贈龔默識

絕足追巢谷間關訪謫仙到時炊朔雪行日泛江煙海氣連雲合龍沙抱日懸中原舊豐沛何處擬遼天

飲胡將軍宅

束蒿掃卻庭前雪捲簾延入天中月將軍脫劍披麟膏笑指千山一
千疊妖童娥娥紅粉妝繁絃幺嬈流清商含情含態稱霞觴繡羅裙
折雙鴛鴦無端肩上作掌上輕身婀娜來昭陽瞥驚忽落彩雲鄉綠
珠樓隕悲遺香弓官虎士驚欲狂酒徒詞伯皆徬徨須臾嬌囀起青
揚春波帝子游瀟湘一斗一石飲不了霧眼相看情愈好生憎容劇
夜珠明柳枝欲把桃花惱內中綠衣色更佳歌殘舞罷歸誰家慙余
白髮老無賴夢裏不知誰是他

贈李鐵丸

東海有長松亭亭一千尺挺拔干雲霄陰森蕩天日蛟龍不敢窺風
雨何能蝕有時明月來清影散寒碧不爲繩墨拘應笑棟梁失抱此
千歲姿支離託泉石

夏日遊楊園